

**Zarma - Hanno Miila Tira Hanney - Good Mind Scriptures**

**Lévitique 24:12 Bora m'a dumbu ka te dumbariyan, da bojo da maano kulu.**

**Alfaga m'i hanse tuuro kañ go sargay feema danjo ra din boj.**

**Deutéronome 18:6 Da Lawiti go da goray Israyla kwaara fo kulu ra, d'a fun noodin ka kaa nda nga anniya kulu hala nango kañ Rabbi ga suuban,**

**Ruth 1:18 Waato din gaa no Neyomi bay kañ Ruta na bine sinji nga banda koyyañ se, gaa no a mana salañ a se koyne.**

**1 Chroniques 28:9 Nin mo, ay izo Suleymanu, ni ma ni baaba Irikoyo bay. Ni ma may a se da bine folloñ da laakal kañ ga yadda mo, zama Rabbi ga biney kulu neesi, a ga faham da fonguyañ kulu miila mo. Da ni n'a ceeci, a ga nañ ni ma du nga, amma da ni n'a furu ka kamba, nga mo ga ni furu hal abada.**

**Néhémie 4:6 Yaadin cine no iri na birno cinaro te d'a. Cinaro kulu binde margu ka kubay hala nd'a beene kuuyaño jara, zama jama gonda goyo anniya.**

**Job 23:13 Amma nga wo afolloñ no, May no ga hin k'a bare binde? Hañ kañ a bina ga ba, nga no a ga te.**

**Proverbes 29:11 Saamo ga nga bina kulu ci, Amma laakalkooni wo g'a naan ka gaay.**

**Esaïe 26:3 Bora kañ laakalo goono ga sinji ni gaa, Ni g'a gaay laakal kanay toonante ra, Zama se a goono ga de ni gaa.**

**Marc 5:15 I kaa Yesu do ka di bora kañ gonda follayey doj, a goono ga goro, a go ga daabu nda bankaaray, a go nga laakalo ra, nga kañ doj a gonda follay jama. Kal i humburu.**

**Luc 8:35 Borey fatta mo ka kaa ka di hañ kañ te. I kaa Yesu do ka bora gar kañ banda follayey fun. A gonda bankaaray, a gonda nga laakalo, ga goro ganda Yesu jarga. Hal i humburu.**

**Actes 17:11 Beriya borey mo bisa Tassalonika borey daa hanno, zama i na sanno ta da bine yadda, ka Tawreto da Annabey Tirey da Zabura fintal zaari kulu, ka di hala yaadin no hayey din bara.**

**Actes 20:19 Ay goono ga may Rabbi se da lalabu kulu, da mo mundi da taabey kañ yan ay hañ Yahudancey me-hawyanje do.**

**Romains 7:25 Wa saabuyañ te Irikoy se iri Rabbi Yesu Almasihu do! Yaadin no, ay bumbo laakalo ra, ay goono ga may Irikoy asariya se, amma ay Adam-ize daa laala ra ay go ga may zunubi asariya se.**

**Romains 8:6 Adam-ize daa laalo miila ganayaŋ ya buuyaŋ no, amma Biya \_Hannoŋ\_ miila ganayaŋ ya fundi nda laakal kanay no.**

**Romains 8:27 Irikoy mo kaŋ ga biney fintal go ga bay haŋ kaŋ Biya \_Hannoŋ\_ goono ga miila, zama a goono ga ŋwaaray hanantey se Irikoy miila boŋ.**

**Romains 11:34 Zama: "May no na Rabbi miila bay, Wala may no ka ciya a saawarekasina?**

**Romains 12:2 Araŋ ma si araŋ boŋ sasabandi nda zamana wo \_alhaaloŋ\_, amma wa naŋ Irikoy m'araŋ bare, k'araŋ laakaley tajandi. Yaadin gaa no araŋ ga du fayanka ka Irikoy miila bay, kaŋ ga ti ihanno, da yadda hari, da timmante.**

**Romains 12:16 Araŋ ma bara nda laakal folloŋ care se. Araŋ ma si laakal da hari beeriyaŋ, amma w'araŋ biney ye ikayne gaa. Wa si ciya boroyaŋ kaŋ ga boŋ jare.**

**Romains 14:5 Boro fo ga zaari fo lasaabu kaŋ a bisa zaari fo beeray. Afo mo koyne ga lasaabu kaŋ zaari kulu ga saba. Boro kulu ma woodin tabbatandi nga bina ra.**

**Romains 15:6 kaŋ ga naŋ da bine folloŋ, da me folloŋ mo, araŋ ma iri Rabbi Yesu Almasihu Irikoyo, kaŋ ti a Baabo mo, beerandi.**

**1 Corinthiens 1:10 Sohō binde, ay nya-izey, ay g'araŋ yaamar iri Rabbi Yesu Almasihu maa gaa: araŋ boro kulu ma te sanni folloŋ. Fay-fayyan ma si bara araŋ game ra, amma araŋ ma bara margante care banda laakal folloŋ da saaware folloŋ ra.**

**1 Corinthiens 2:16 Zama i ne: "May no na Rabbi miila bay hala bora m'a dondonandi?" Amma iri wo, iri gonda Almasihu miila.**

**2 Corinthiens 7:7 Manti a kaayaŋo hinne se bo, amma da bine-gaabi kaŋ a kande iri gaa araŋ ciine ra. A dede iri se mate kaŋ cine araŋ faajo, d'araŋ bine sara, d'araŋ anniya mo go d'a ay se, hal ay farhā gumo ka tonton.**

**2 Corinthiens 8:12 Zama nda anniya go no, Irikoy ga yadda haya kaŋ boro gonda boŋ, manti a siinoyaŋ boŋ.**

**2 Corinthiens 9:2 zama ay g'araŋ anniya bay. A se no ay ga fooma nd'araŋ Masidoniya borey jine ka ne: Akaya waney na ngey soola te za manay. Araŋ anniya mo n'i borey baayaŋ no kookari.**

**2 Corinthiens 13:11 Bananta gaa, nya-izey, kala han fo. Wa jina-koyyan ceeci. Wa te bine-gaabi. Wa te laakal folloŋ. Araŋ ma goro nda laakal kanay. Irikoy mo, kaŋ ga ti baakasinay da laakal kanay Koy ga goro araŋ banda.**

**Ephésiens 4:23 Araŋ bine miiley ma ciya itajiyaŋ.**

**Philippiens 2:2,3 w'ay farhā toonandi hal araŋ ma bara nda laakal folloŋ, da**

**baakasinay folloŋ mo. Araŋ biney d'araŋ miiley mo ma ciya afolloŋ. 3 Araŋ ma si hay kulu te da fayyaŋ, wala boŋbeeray yaamo, amma lalabu ra boro kulu ma nga boŋ lasaabu kaŋ boro fo bisa nga.**

**Philippiens 4:2 Ay goono ga Afodiya yaamar, ay goono ga Sintici mo yaamar, i ma goro da laakal folloŋ Rabbi ra.**

**Philippiens 4:7 Irikoy laakal kana mo, kaŋ bisa fahamay kulu g'araŋ biney d'araŋ fonguyaŋey batu Almasihu Yesu ra.**

**Colossiens 3:12 Yaadin gaa, zama araŋ ya Irikoy suubananteyəŋ no, a hanantey no, da borey kaŋ a ga ba mo, kal araŋ ma bakaraw bine faka, da booriyaŋ, da boŋ kaynandiyaŋ, da lalabu, da suuru kuuku.**

**2 Thesaloniciens 2:2 araŋ ma si zinji nda waasi araŋ laakaley ra. Aran laakaley ma si tun mo biya fo fahamandiyəŋ sabbay se, wala sanni fo sabbay se, wala tira kaŋ i ne, way, a fun iri do sabbay se, kaŋ ne, way, Rabbi zaaro jin ka kaa.**

**2 Timothée 1:7 Zama Irikoy mana iri no humburkumay bine, amma a n'iri no dabari nda baakasinay da boŋ hinyaŋ wane.**

**Tite 2:6 Yaadin mo no, ma ko-arey yaamar ka ne i ma ciya laakalkooniyaŋ.**

**Hébreux 8:10 Amma woone ga ti alkawlo kaŋ ay ga sambu Israyla kunda se jirbey din banda, Yaa no Rabbi ci: Ay g'ay lordey daŋ i laakaley ra, Ay g'i hantum mo i biney ra. Ay ga ciya i Irikoyo, ngey mo ga ciya ay jama.**

**1 Pierre 1:13 Woodin sabbay se, sanda mate kaŋ boro ga nga bankaaray guddu goy se, w'araŋ laakaley soola yaadin cine. Wa hin araŋ boŋ, w'araŋ beeja kulu daŋ gomno boŋ kaŋ Irikoy ga kande araŋ se Yesu Almasihu bangandiyəŋ waate.**

**1 Pierre 5:2 Araŋ ma Irikoy kuro kaŋ go araŋ kambe ra kuru. Araŋ ma haggoy d'ey, manti nda tilas, amma da bine yaddayaŋ Irikoy miila boŋ. Manti riiba ziibo sabbay se bo, amma da bine feerante.**

**2 Pierre 3:1 Ay baakoy, woone ga ti tira hinkanta kaŋ ay go ga hantum aran se. I boro hinka ra mo ay goono ga fonguyaŋ hanno cimikoyo tunandi aran laakaley ra k'aran fongandi.**

**Apocalypse 17:9 Neewo no laakal go kaŋ gonda fahamay: Boŋ iyya din ya tondi kuuku iyye no, wo kaŋ boŋ waybora goono ga goro,**